

西域圖志



西域圖志



欽定皇輿西域圖志卷之十目錄

疆域三

安西北路二

迪化州屬

迪化州治

頭道灣庄

五道灣庄

九道灣庄

卡子灣庄

古木

地窩鋪

土墩子

三個泉庄

倉房溝庄

大西溝

鹽池墩

昌吉縣治

羅克倫

蘆草溝

呼圖克拜

綏來縣治

陽巴勒噶遜

圖古里克

巴克呼蘇

烏蘭烏蘇

和爾郭斯

博羅特克圖魯庫

安濟哈雅

金定三島四地圖記
卷一
阜康縣治

賽因塔喇

庫里葉圖

納里特

濟木薩

得勒呼蘇台

欽定皇輿西域圖志卷之十

疆域三

安西北路二。

廸化州屬。統縣三。昌吉。綏來。阜康。東至木壘。烏
蘭烏蘇。阜康縣屬之得勒呼蘇台。接鎮西府奇
臺縣界。東南逾山。接天山南路闢展界。西南接
伊犁東路。北通塔爾巴噶台。西至綏來縣屬之
安濟哈雅。接天山北路庫爾喀喇烏蘇界。

廸化州治。

廸化州治在烏魯木齊。東距鎮西府一千三百
八十里。距京師八千八百九十里。居天山之陰。
地當孔道。托克喇鄂拉。博克達鄂拉環其東。烏
可克達巴。哲爾格斯鄂拉拱其南。鄂倫淖爾瀕
其左。烏魯木齊郭勒經流其南北。山環水繞。土
膏沃衍。宜種殖。舊爲準噶爾庫本諾雅特游牧
處。亦噶勒丹多爾濟之昂吉。乾隆二十年正月。
大兵進討準噶爾。噶勒丹多爾濟率其屬。望風
降。地皆內屬。有舊城。周可三里。

賜名廸化。別于舊城北建廸化新城。門四。東曰惠孚。
西曰豐慶。南曰肇阜。北曰憬諱。在阿勒塔齊郭
勒東支流環抱之內。新城內有

萬壽宮。城隍廟。提督駐此。城東有

關帝廟。舊城西亦有

關帝廟。龍王廟。乾隆三十八年。改設直隸廸化州。
于廸化城西三十里。建鞏寧城。門四。東曰承曦。
西曰宜穡。南曰軌同。北曰樞正。爲知州治。城內
有

萬壽宮。

關帝廟。城隍廟。雷雨風神廟。城東爲

文廟。城東南爲先農壇。龍王廟。鎮廸道駐此。阿勒

塔齊郭勒東西。有新舊二屯。

見屯政門。

共建六堡。堡

各四門。曰惠徠堡。東憬德門。西宣威門。南迎陽

門。北拱化門。曰屢豐堡。東密風門。西調露門。南

麗照門。北正衡門。曰宣仁堡。東元善門。西利和

門。南依光門。北奉朔門。曰懷義堡。東登春門。西

稔秋門。南薰溥門。北階平門。曰樂全堡。東引恬

門。西遂成門。南大亨門。北永貞門。曰寶昌堡。東延韶門。西成泰門。南章教門。北翊辰門。州境東西一百四十里。東至博克達鄂拉。東北接阜康縣界。西至頭屯河。接昌吉縣界。南北五百里。南至根特克。接闢展界。北至葦湖。

按山北準部爲烏孫突厥舊俗。逐水草。無城郭。史傳所稱。古今不爽。後以回部服屬準噶爾。間有築城山北者。而于額魯特穹廬氈帳之舊。則未之或易。自入版圖後。

天朝制度維新。烏魯木齊爲準部東境勝壤。始則築城建堡。屯政軍政。以次經理。復肇設州縣。建置學校。風教蔚興。與內地無異。古稱行國。不土著之區。幸際昌時。俾其俗蒸然丕變。稱極盛焉。其地于漢爲蒲類國。于唐爲北庭大都護府。後入吐蕃。爲考證于後。

漢書西域傳蒲類國。王治天山西疏榆谷。西南

至都護治所。

都護治烏壘城。今屬哈喇沙爾。

千三百八十七里。

後漢書西域傳蒲類國東南去長史所居。

長史治柳

中。今屬闕展。千二百九十里。

唐書地理志北庭大都護府。領後庭縣。本蒲類隸西州。後來屬。寶應元年。更名。有蒲類。郝遮。鹹泉三鎮。特羅堡。

元史地理志自上都西北行六千里。至回鶻五城。唐號北庭。置都護府。至元五年。海都叛。世祖逆敗之北庭。

按天山自托克喇鄂拉。至博克達鄂拉。百餘里之間。南北綿亘。廸化州當其西境。漢書西

域傳。獨於蒲類國曰在天山西者。當卽今廸化州境也。又傳稱東蒲類王茲力支降都護。分車師後王之西爲烏貪訾離地以居之。是蒲類故地。初在東陁。旣降都護後。乃始西遷爲蒲類國。在天山西也。漢書烏貪訾離國。蒲類國。雖並載而不啻一國。在今則爲廸化州昌吉縣境。特其二國分界處不可考耳。唐後庭縣注本蒲類。故有蒲類鎮。亦以舊國得名。其郝遮。鹹泉。特羅諸鎮堡。方隅疆域。不可考。

矣。

唐書回鶻傳阿史那賀魯之盜北庭。婆閨以騎五萬助契苾何力等破賀魯。收北庭。安西北庭。自天寶末失關隴。朝貢道隔伊西。北庭節度使李元忠數遣使奉表。不至貞元二年。假道回鶻。乃得至長安。帝進元忠爲北庭大都護。自是道雖通而虜求取無涖。沙陀別部六千帳與北庭相依。亦厭哀索。至三葛祿。白眼突厥。素臣回鶻者。密附吐蕃。故吐蕃因沙陀共寇北庭。北庭陷。

葛祿取深圖川。回鶻大恐。稍南其部落以避之。
〔吐蕃傳〕北庭沙陀別部叛。吐蕃因是陷北庭都
護府。安西道絕。獨西川人尙爲唐守。

按唐貞觀二十三年。以阿史那賀魯部落置
瑤池都督府。永徽四年廢。顯慶二年。擒賀魯。
分其地。置都護。都督諸府。其役屬諸胡皆爲
州。總隸北庭都護。自今廸化州。西抵伊犁。皆
其境也。而廸化州屬境。爲天山北一大都會。
應爲唐時北庭都護駐防之所。爰舉史傳証

之。其隨地分見者。析著各條之下。復統論北庭大畧如此。顧唐自天寶末。貢道中阻。厥後北庭陷入吐蕃。伊西以外。均非唐有。卽初擒賀魯。開置北庭之始。亦不過遙設州府。以示羈縻。實則戶口不登。貢賦不入。曾不再傳。俱歸淪棄。是則天山迤北。從古未隸中國輿圖。信有徵矣。非我

皇朝德威遐罔。什伯曩古。曷由胥化外而疆索之哉。
頭道灣庄。